

已東吐番國。純住氷^①山雪山川谷之間。以氈帳而居。無有城墪屋舍。處所與突厥相似。隨逐水草。其王雖在一處。亦無城。但依氈帳以爲居業。土地出羊馬猫牛^②。毯褐之類。衣著毛褐皮裘。女人亦爾。土地極寒。不同餘國。家常食麩^③。少有餅飯。國王百姓等。惣不識佛法。無有寺舍。國人悉皆穿地作抗^④而^⑤臥。無有床席。人民極黑。白者全希。言音與諸國不同。多愛喫虱。爲著毛^⑥褐。甚饒蟻虱。捉得便枕^⑦口裏。終不棄也。又迦葉彌羅國西北。隔山七日^⑧程。至小勃律國。此屬漢國所管。衣著人風。飲食言音。與大勃律相似。著^⑨氈衫及靴。剪其鬚髮。頭上纏疊布一條。女人在髮。貧多富少。山川狹小。田種不多。其山樵杙。元無樹木及於諸草。其大勃律。元是小勃律王所住^⑩之處。爲吐番來逼。走入小勃律國坐。首領百姓。在彼大勃律不來。

又從迦葉彌羅國西北隔山一月程。至建馱羅。此王及兵馬。惣是突厥。土人是^⑪胡。兼有婆羅門。此國舊是罽賓王^⑫化。爲此突厥王阿耶領一部落兵馬。投^⑬彼罽賓王。於後突厥兵盛。便煞彼罽賓王。自爲國主。因茲國境突厥霸王。此國已北。並住中。其山並焦。無草及樹。衣著人風言音節氣並別。衣是皮毯^⑭。氈衫靴袴之類。土地